

ԵՊՀ Իջևանի մասնաճյուղի գործունեության արդյունքային ցուցանիշների համալրման և 2022- 23 ուստարվա գործունեության արդյունքների

ՎԵՐԼՈՒԾՈՒԹՅՈՒՆ

/Գիտական խորհրդի նիստ՝ 09.12.23թ. /

«Երևանի պետական համալսարան» հիմնադրամի Իջևանի Մասնաճյուղի 2018-2023թթ. գործունեության արդյունքային ցուցանիշների (ԳԱՑ) լրակազմը ներկայացնում է վերջին 5 տարիների Մասնաճյուղի գրանցած արդյունքները և դրանց դինամիկան, և փաստում է մասնաճյուղի ձեռքբերումների, նաև խնդիրների մասին: ԳԱՑ-ում յուրաքանչյուր ցուցանիշի համար գրված է վերլուծություն, որում հնարավորինս ներկայացված են ձեռքբերված արդյունքները, նրանց հիմնավորումները, իսկ խնդիրների դեպքում՝ պատճառները:

Վերջին 2 տարիների ԳԱՑ-երի (ԳԱՑ 2017-2022 և ԳԱՑ 2018-23) լրակազմը տարբերվում է նախորդ ԳԱՑ-երից, որովհետև Մասնագիտական կրթության որակի ապահովման (ՄԿՈԱ) բաժինը այն վերանայել է ըստ Մասնաճյուղի 2022-26թթ. զարգացման ռազմավարական ծրագրի կատարողականի գնահատման պահանջների և մասնաճյուղի նախանշած ձեռքբերումները մանրամասն ներկայացնելու համար վերանայվել և նոր արդյունքներով համալրվել են գործունեության **բոլոր 6 ոլորտները** (Ընդունելություն և համակազմ, Ուսումնական գործընթաց, Ռեսուրսներ և կառավարում, Ենթակառուցվածքներ, Գիտություն և նորարարություն, Արտաքին կապեր և միջազգային համագործակցություն). ավելացվել են **4 նոր ցուցանիշներ** (4.11, 6.1.1, 6.1.2, 6.5) և **35 նոր արդյունքներ**:

ԳԱՑ-ում ավելացվել են նաև **2 նոր ոլորտներ** (որակի կառավարում, հասարակական պատասխանատվություն)՝ **6 ցուցանիշներով** և **24 արդյունքներով**:

Ներառված նոր արդյունքներից շատերի համար 2021-2022 և 2022-2023 ուստարիների համար մասնաճյուղը ձեռք է բերել որոշակի արդյունքներ:



Ներկայացնենք 2022-23 ուստարվա գործունեության ընթացքում Մասնաճյուղի ձեռք բերած **հիմնական արդյունքներն ըստ բնագավառների**:

Բնագավառ 1. Ընդունելության արդյունքների և ուսանողական համակազմի վերաբերյալ մասնաճյուղի ձեռքբերումները և խնդիրները.


1. 2022թ.-ի **ընդունելության արդյունքները** Մասնաճյուղի համար ընդհանուր առմամբ եղել են գոհացուցիչ: Ընդունելության քննություններին մասնակցելու համար հայտ ներկայացրած **դիմորդների թիվը** նախորդ տարիների համեմատ ավելացել է, միայն առկա ուսուցման դիմորդների թիվը նախորդ տարվա ցուցանիշը գերազանցել է 21-ով: Առկա ուսուցման բակալավրիատ դիմած դիմորդների թիվն **ավելացել է** հիմնականում հումանիտար և տնտեսագիտական ուղղությամբ կրթական ծրագրերի համար, իսկ բնագիտական ուղղությամբ հաշվետու տարում դիմորդների թիվն էապես **նվազել է** (28 դիմորդ նախորդի 41-ի դիմաց), որը պայմանավորված է ընդունելության առարկաների կազմի փոփոխությամբ (ԻԿՄ-ի համար՝ մաթեմատիկա և ֆիզիկա կամ անգլերեն, Ֆինանսների համար՝ մաթեմատիկա կամ հայոց լեզու), որի արդյունքում դիմորդների մի մասը ընտրել են ֆինանսներ ծրագիրը: Նվազել է նաև հեռակա բակալավրիատ դիմած դիմորդների թիվը (121/135):


Նշենք, որ ընդունելության շեմը հաղթահարած դիմորդների թիվը առանձնապես **գոհացուցիչ չէ** և առկա և հեռակա ուսուցման համակարգերի համար: Առկա բակալավրիատ ընդունվել է դիմորդների **70.3%-ը**՝ (263-ից 185-ը, նախորդ տարի ցուցանիշը եղել է **79.3%**),

հեռակա բակալավրատ ընդունվել է դիմորդների **37.2%-ը** (45/113, նախորդ տարի՝ **83.7%**): /Ց 1.4, 1.5, 1.6, 1.7/



2. Նշենք, որ ուսանողական համակազմը (2022-23 ուստարում՝ 1145) վերջին տարիներին անընդհատ նվազում է, ինչը հիմնականում պայմանավորված է հեռակա ուսուցման ընդունելության ծավալների նվազմամբ և 3 կրթական ծրագրերով ընդունելություն չկազմակերպելու հանգամանքով: Բայց պետք է փաստել, որ առկա ուսուցման ուսանողների թիվն ավելացել է, ինչը պայմանավորված է հումանիտար գիտությունների ֆակուլտետում նոր 2 կրթական ծրագիր ներդնելու, որոշ կրթական ծրագրերի շրջանականերում դիմորդների՝ արդյունքում ընդունվածների թվի ավելացմամբ: 2022-23 ուստարում վերջին 5 տարիների կտրվածքով առկա ուսուցման ուսանողների թիվը (**636**) գերազանցել է (141-ով) հեռակա ուսուցման ուսանողների թվին: /Ց 1.11, 1.13/






3. Պետք է նշել, որ վերջին տարիներին Մասնաճյուղի հեռակա ուսուցման համակարգ են դիմում նաև ՄՄՈՒՀ-երի բարձր առաջադիմությամբ շրջանավարտները, 2022թ.-ին ընդունվել են 31-ը: /Ց 1.15/


Այս բնագավառում մասնաճյուղը խնդիր ունի օտարերկրյա դիմորդների և արդյունքում ուսանողներ ունենալու հետ:

Բնագավառ 2. Ուսումնական գործընթացի հետ կապված ձեռքբերումներն ու խնդիրները.




4. 2022-2023 ուստարում բակալավրիատի **ամփոփիչ ատեստավորումները** մասնակցել է 220 ուսանող (129-ը՝ առկա ուսուցման համակարգում և 91-ը՝ հեռակա ուսուցման համակարգում) և մագիստրատուրայի՝ 12 ուսանող: Ի տարբերություն նախորդ տարվա հաշվետու ուստարում բոլոր շրջանավարտները հաղթահարել են ամփոփիչ ատեստավորումը:




Եվ այստեղ տեսանելի արդյունք է գրանցվել շրջանավարտների ՄՈԳ-ի ցուցանիշում. 232 շրջանավարտներից 97-ի (41,8%, **նախորդ ուստարում՝ 13.8%**) ՄՈԳ-ը եղել է 18-20 միավոր: /Ց 2.2/



5. Հիմնական դասախոսական կազմը վերջին 3 ուստարիների համար կայուն է՝ 84-ից 90: 2022-23 ուստարվա հիմնական դասախոսական կազմի 53.6%-ը (84-ից 45-ը) գիտական աստիճանով են: 2022-23 ուստարում միայն մասնաճյուղում աշխատող հիմնական դասախոսները (66 դասախոս) կազմել են ընդհանուր դասախոսական կազմի 39.5%-ը: Ընդ որում, նրանց 41%-ը՝ 27 դասախոս, գիտական աստիճանով է: /Ց 2.3, 2.3.1/



6. Ավելացել են նաև միայն Մասնաճյուղում աշխատող հիմնական դասախոսական կազմի գիտական գործունեության արդյունքները: 2022-23 ուստարում նրանց կողմից հրատարակվել են 4 ուսումնամեթոդական ձեռնարկներ կամ դասագրքեր, 56 գիտական հոդվածներ (նախորդ ուստարում՝ 42): Ընդորում, 2022թ.-ին 1 դասախոսին ընկնող գիտական հրատարակությունների ցուցանիշը կազմել է **0.91** (նախորդում՝ **0.74**), այսինքն **66 դասախոս-60 գիտական հրատարակություն**: Այստեղ ակնհայտ է իր ազդեցությունն ունեն գիտական գործունեության համար գործող խրախուսման մեխանիզմները և ներքին դրամաշնորհային ծրագրերի իրականացումը /Յ 2.13, 5.3/:



7. 2022-23 ուստարվա համար առաջադիմության ցուցանիշը առկա ուսուցման համար կազմել է **78.2%** (նախորդ ուստարում՝ **71.9%**), հեռակա ուսուցմամբ բակալավրիատում՝ **31.23%**, մագիստրատուրայում՝ **92.6%**: /Յ 2.14/

Ցուցանիշ 2.14	2020/21	2021/22	2022/23
Հումանիտար գիտությունների ֆակուլտետ(%)	77.1	78.88	89.59
Բնական գիտությունների ֆակուլտետ (%)	65.3	85.4	64.53
Տնտեսագիտության ֆակուլտետ (%)	83.4	52.2	78.29
Կիրառական արվեստի ֆակուլտետ (%)	81.3	71.05	80.23
Միջին տարեկան ցուցանիշը(%)	76.8	71.9	78.2

8. Հաշվետու ուստարում բարձր ցուցանիշներ են գրանցվել նաև «Դասավանդման որակի և արդյունավետության վերաբերյալ ուսանողական հարցման արդյունքներում».

կիսամյակների համար ֆակուլտետների միջին գնահատականները եղել են **4.6-ից** բարձր: /Ց 2.15/

Ցուցանիշ 2.15	2021/22		2022/23	
	I կիս.	II կիս.	I կիս.	II կիս.
Հումանիտար գիտությունների ֆակուլտետ	4.67	4.57	4.70	4.64
Բնական գիտությունների ֆակուլտետ	4.57	4.93	4.48	4.66
Տնտեսագիտական ֆակուլտետ	4.72	3.53	4.75	4.77
Կիրառական արվեստի ֆակուլտետ	4.56	4.60	4.63	4.64
Համահամալսարանական ամբիոններ	4.68	5.00	4.65	4.56

Բնագավառ 3. Ռեսուրսների և ենթակառուցվածքների առումով ունենք հետևյալ արդյունքները

9. 2022թ.-ի մասնաճյուղի տարեկան բյուջեն 2021թ. համեմատ նվազել է **11.6%-ով**: Դրա մեջ հիմնականում իր ազդեցությունն ունի պետական բյուջեից հատկացումների ծավալի փոքրացումը, ուսանողների թվի նվազման արդյունքում վճարովի ուսուցման ծառայությունից եկամուտների ծավալի նվազումը (նախորդ տարվա համեմատ նվազել է **6.9%-ով**):

Սակայն նշենք, որ վճարովի ուսուցման ծառայությունից եկամուտների հաշվեկշիռը տարեկան բյուջեում 2022թ.-ին կազմել է **49.7% և ավել է** նախորդ տարվա եկամուտներից (**47.2%**) (որովհետև պետական բյուջեից եկամուտները նվազել են) /Ց 3.4/

10. 2022թ.-ին վերջին 5 տարիների արդյունքներում առաջին անգամ մեկ ուսանողին ընկնող ծախսերի ծավալը՝ **463400** դրամ գրեթե հավասար է մեկ ուսանողին ընկնող եկամուտների ծավալին՝ **467100** դրամ: /Ց 3.5/

11. 2022թ.-ին 2021թ.-ի համեմատ **8.2%-ով** աճել են նաև ուսումնական ծախսերը, ընդ որում նախորդ 4 տարիների համեմատ էապես ավելացել են նաև մեկ ուսանողին ընկնող ուսումնական ծախսերը՝ **227,2 հզ. դրամ**: Նշենք, որ ուսումնական ծախսերը կազմում են մասնաճյուղի ընդհանուր ծախսերի **49%-ը**: Վերջին 2 տարիներին Մասնաճյուղը գումարներ է ծախսել նաև գիտահետազոտական աշխատանքների համար դասախոսական կազմին խրախուսելու համար: /Ց 3.8/



12. 2022թ.-ին աշխատավարձի փոփոխություն չի եղել: Նշենք, որ մասնաճյուղի ծախսերի ընդհանուր ծավալում գերակշռում են աշխատանքի վարձատրության և եկամտային հարկի ծախսերը՝ 81-90%, որը 2022թ.-ի համար կազմել է **84%**: /Ց 3.11, 3.12/

Բնագավառ 4. Մասնաճյուղի ենթակառուցվածքները

13. Մասնաճյուղի լսարանային ֆոնդը 2021-22 ուստարվա համար ավելացել էր 1-ով (բնական գիտությունների ֆակուլտետում մասնագիտական լաբորատորիայի բացման հաշվին): /Ց 4.3/

14. Մասնաճյուղի գրադարանում ուսանողներին հասանելի գրականության թիվը 2022-23 ուստարում կազմել է **20805**, այդ թվում 1068-ը էլեկտրոնայի գրքերն են, 12691-ը՝ գիտական գրականություն է: /Ց 4.4/

2022թ.-ին նախորդ տարիների համեմատ էապես աճել է գրականության ձեռքբերման ծախսերը և կազմել է **846000 դրամ**, որը նախորդ տարվա համեմատ ավելացել է **225000 դրամով**, ինչի արդյունքում, նաև ուսանողների թվի նվազման արդյունքում բավականին մեծացել է մեկ ուսանողին ընկնող գրականության ձեռքբերման տարեկան ծախսը և 2022թ.-ին կազմել է **740** դրամ: /Ց 4.5/



15. Նշենք, որ նախորդ 2021թ.-ի համեմատ 2022թ.-ին նվազել է տարեկան ձեռքբերված սարքավորումների արժեքը: /Ց 4.8/

16. 2022-23 ուստարում մասնաճյուղում իրականացվել են ուսումնական և վարչական տարածների արդիականացման, մասնաշենքերի վերանորոգման, օժանդակ տարածքների արդյունավետ օգտագործման և լսարանների արդիականացման 43 ծրագրեր (նախորդ ուստարում՝ 45): 2022-23 ուստարում արդիականացվել է 19 լսարան, որը կազմում է ընդհանուր լսարանային ֆոնդի շուրջ 34%-ը: /Ց 4.11/

Նշենք, որ 2022թ.-ին նախորդ տարվա համեմատ ավելացել է էներգիայի տարեկան ծախսը (խստաշունչ և երկարաձգված ձմեռվա պատճառով), ջրամատակարարման և ջրահեռացման ծախսը: /Ց 4.9, 4.10/

Բնագավառ 5. Գիտություն և նորարարություն

17. Վերջին 3 ուստարիներին բարձրացել է հետազոտական նախագծերում ընդգրկված դասախոսների թիվը՝ պայմանավորված է 2021թ.-ից ԵՊՀ ԻՄ-ում գիտահետազոտական ներքին դրամաշնորհային մրցույթներ կազմակերպելու գործընթացով: 2022 թվականին իրականացվել են 5 ներքին դրամաշնորհային ծրագրեր, որոնցում ընդգրկված են եղել 12 դասախոս (3-ը՝ երիտասարդ) և 5 ուսանող:

Ներքին դրամաշնորհային ծրագրերի իրականացման արդյունքում արդեն ունեն արդյունք նաև հետազոտական աշխատանքներում օգտագործվող համակարգիչների թվում՝ 5 և գիտության համակարգի համար նախատեսված ինտերնետային կապի կետերի թվում՝ 5: /Ց 5.1, 5.5, 5.6/

18. 2022-23 ուստարում ԵՊՀ ԻՄ-ում կազմակերպված «Սոցիալ-մանկավարժական նորարարությունները կրթության մեջ» միջազգային գիտագործնական 2 համաժողովներով պայմանավորված արդեն ունենք արդյունք նաև արտաքին գործընկերների հետ համատեղ հրատարակությունների ցուցանիշում՝ 9: /Ց 5.4/

Բնագավառ 6. Արտաքին կապեր և միջազգային համագործակցություն

19. Ուսումնական և մասնագիտական պրակտիկաների կազմակերպման համար մասնաճյուղը 2022/2023 ուստարվա ընթացքում ունեցել է 32 պայմանագիր:

Բուհ-դպրոց համագործակցության շրջանակներում 2022-23 ուստարում իրականացվել են 59 ծրագրեր և միջոցառումներ (առարկայական օլիմպիադաներ, բաց դռների օրեր, ճանաչողական այցեր, դասախոսություններ, ինտելեկտուալ խաղեր): /Ց 6.4/

20. Միջազգային համագործակցության շրջանակներում 2022-23 ուստարում օտարերկրյա համալսարանների հետ կնքվել է 6 պայմանագիր: /Ց 6.5/

Բնագավառներ 7,8. Որակի ներքին ապահովում և հասարակական պատասխանատվություն 2 նոր բնագավառներում գրանցվել են հետևյալ արդյունքները.

21. 2021-22 ուստարում Մասնաճյուղում առաջին անգամ գործարկվել է կրթական ծրագրերի մոնիթորինգի և վերանայման կարգը: Եվ 2 ուստարվա ընթացքում Մասնաճյուղի բակալավրի 20 և մագիստրոսի 1 կրթական ծրագրերից մշտադիտարկում են անցել բակալավրի 7 կրթական ծրագրեր (3-ը հաշվետու ուստարում): /Ց 7.1/

Ցուցանիշը ներառում է նաև ծրագրային հավատարմագրում անցած կրթական ծրագրերի թիվը, ՀՀ այլ բուհերի հետ համատեղ իրականացվող կրթական ծրագրերի թիվը, մասնագիտական և միջգիտակարգային գիտելիքներն ու կարողությունները ձևավորող առաջադրանքների շտեմարանների թիվը, մասնագիտական առաջընթացի գնահատման առաջադրանքների շտեմարանների թիվը, որոնց համար առայժմ արդյունքներ չունենք:

22. 2022-23 ուստարում մասնաճյուղի 1 դասախոս ներգրավված է եղել շարժունության ծրագրերում: /Ց 7.2/

23. Արդյունքներ ունենք գրանցած նաև կրթական ծրագրերի որակից ներքին և արտաքին շահակիցների բավարարվածության գնահատման ցուցանիշում /Ց 7.3/: Ցուցանիշում նշված գործընթացները մասնաճյուղում իրականացվել են նաև նախկինում, սակայն ցուցանիշը ԳԱՑ-ում ավելացվել է 2022թ.-ից և արդեն լրացվում է: Դիտարկվող արդյունքները հնարավորություն կտան գնահատել առաջընթացը և պլանավորել գործունեությունը:

Ցուցանիշ 7.3. Ներքին և արտաքին շահակիցների բավարարվածություն	2021/22	2022/23
Շրջանավարտների բավարարվածությունը ստացած կրթությունից	4.5	4.4
Արտաքին շահակիցների բավարարվածությունը շրջանավարտներից	4.0	4.0
Ուսանողների բավարարվածությունը պրակտիկաների իրականացումից		4.7
Արտաքին շահակիցների բավարարվածությունը պրակտիկանո ուսանողներից		4.5
Ուսանողների բավարարվածությունը արտալսարանային աշխատանքներից		83.3%

24. 2022-23 ուստարվա ընթացքում Մասնաճյուղը ոլորտային կազմակերպությունների հետ կնքել է 6 հուշագիր, գործատուների հետ՝ 30 պայմանագիր, բուհերի և գիտահետազոտական ինստիտուտների հետ՝ 14 պայմանագիր: /Ց 8.1/

Ցուցանիշ 8.1. Համագործակցություն	2021/22	2022/23
Ոլորտային կազմակերպությունների հետ կնքված հուշագրերի քանակը	4	6
Գործատուների հետ կնքված պայմանագրերի քանակը	22	30
Մագիստրոսական ծրագիր իրականացնող գիտահետազոտական ինստիտուտի հետ կնքված համագործակցության հուշագրերի քանակ		
Բուհերի և գիտահետազոտական ինստիտուտների հետ կնքված համագործակցության պայմանագրերի քանակը	11	14

Վերջում նշեմ 2 կարևոր խնդիրներ, որոնք իրենց ազդեցությունն են ունենում մի շարք այլ արդյունքների վրա:

1. Վերջին տարիներին նվազում է մասնաճյուղի ուսանողական համակազմը (2022-23 ուստարում՝ 1145 ուսանող), որում իր ազդեցությունն ունի հեռակա ուսուցման համակարգի ուսանողների թվի նվազումը, նաև մի քանի կրթական ծրագրերով վերջին տարիներին ընդունելություն չկազմակերպվելը (ԻԿՄ, ԲԲ, ՔԿԳ):

2. Ուսանողական համակազմի նվազման արդյունքում նվազել է վճարովի ուսուցման համակարգում սովորող ուսանողների թիվը, հետևաբար նաև վճարովի ուսուցման ծառայությունից ստացվող եկամուտները: Այն 2022թ.-ին կազմել է մասնաճյուղի արտաբյուջետային միջոցների ընդհանուր ծավալի **76.7%-ը**, ինչը ցածր է նախորդ 4 տարիների արդյունքներից (նախորդ տարիներին՝ 80.6, 79.0, 87, 89.3):

Մասնագիտական կրթության որակի ապահովման բաժին